

Plenchi

Bèl a bati

TRINNG TRINGGG bélèm..... TRINNG TRINGGG bélèm.....Yega, yega..subi nos Plenchi di Skol pa nos por bati blèki poko. Atrobe tin yen aktividat bunita ku nos ke kompartí ku boso. Plenchi di kosnan positivo. Diferente potrèt pa mustra kon a sera EFO. Tambe boso ta haña un bista di e eksposishon di MIL. Masha bunita mes e obranan ta i nan tin mensahenan profundo.

Eksamén ta ketu bai riba agenda, maske nos ta drenta e último dianan e siman binidero. Un tiki mas mester primi i saka delaster djus, pa despues sera e temporada di eksamen.

Spera boso a celebrá un dia di mama plasentero. Awor ta di kuminsá prepará dia di tata. Kòrda ku nos tatanan tin un ròl importante den bida i edukashon di yunan. For di ora bo a bira tata bo tin un responsabilidat grandi pa semper. Ban balorá tatanan mas.

Un felis fin di siman pa bo.

Riba roster

Maria Immaculata Lyceum a tene un eksposishon masha bunita mes di nan obranan artístiko. Dosente di arte yufrou Apostel a hasi tremendo trabou pa guia i hóbennan di skol. Nos por a disfrutá di obranan ku un profundidat na mensahe. Pabien MIL boso a skor en grande.

Nos a mira e obra di Taïs Zimmerman, Palu di Klaridat. E ta simbolisá klaridat di lus i spiritual.

Jury-ann Cijntje a krea “Imaginational Power”

Lakisha Apostel a krea”wak i komprondé”. Cindiray Willems a krea”The same beginning can lead to different endings.”

Ruviendill Isania a krea “My creative Life”.

Gabriela Justina a krea “A mirror’s story”.

Sha-öny Obispa a krea ”This is me”.

Djis algun di e hóbennan ku a kontribuí na e eksposishon di MIL.



Klaridat di lus i spiritualidat.





Den agènda

Liber nashonal dia 25 mei, dia di asension

26 mei ekstra dia liber pa skolnan

7 yuli ultimo dia di skol.

17 di ougustus promé dia di skol pa hóbennan

Un prenchi

Di e manera aki e direktornan i funshonarionan di FO a sera e siman di EFO. Despues di e último tuts ku e hóbennan di grupo 8 a traha, tabata nesesario pa huntu sinta i relahá di tur e strès di e dianan di tuts.

Danki pa boso esfuerso direktornan di skol, dosentenan, mayornan i funshonarionan. Danki na nòmber di tur nos hóbennan.





Mi ta konta

Si bo hòrta, sòru pa ta tempu di bo mes pa dediká na esnan ku mester.
Si bo yora, sòru pa ta un ratu so. Seka bo wowo i sigui padilanti.
Si bo tin ku lubidá, lubidá e ofensanan.
Si bo tin ku lucha, hasie pa bo mehorá komo persona.
Si bo faya, sòru pa semper bo sigui purba.
Si bo soña soru pa esaki ta pa realisá algu bunita.
SI bo pèrde sòru pa ta bo miedu.
Ta e intensitat di bo akshonnan ta konta, no e kantidat di tempu inverti.
Den bida lo bo topa momentunan inolbidabel i lo bo topa personanan
ku hamas bo por lubidá.

Mucha djispou

